

Na osnovu članova 13. i 38. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11, Odluke o izmjeni Statuta Fonda broj: OPU-IP 1694/2014, „Službene novine Federacije BiH“, br. 52/25), a u skladu sa čl. 15., 36., 48., 51., 52., 53., 58. i 65. Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10) i poglavljem III Odluke o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 48/10), a na prijedlog direktora Fonda, privremeni Upravni odbor Fonda za profesionalnu rehabilitaciju i zapošljavanje osoba sa invaliditetom na 73. sjednici održanoj dana 21.08.2025. godine  
d o n o s i

## **P R A V I L N I K O I Z M J E N A M A**

**Pravilnika o ostvarivanju prava na isplatu novčanih nadoknada i subvencije broj:  
01-02-2-1352/25 od 30.01.2025. godine**

### **Član 1.**

U Pravilniku o ostvarivanju prava na isplatu novčanih nadoknada i subvencije, broj: 01-02-2-1352/25 od 30.01.2025. godine, član 10. mijenja se i glasi:

Za zaposlene osobe sa invaliditetom za koje se u skladu sa odredbama člana 51. Zakona vrši isplata novčanih nadoknada i subvencija, kao validan dokaz o invaliditetu prihvata se:

- Za kategoriju „neratnih invalida“ – uvažava se svaki nalaz, ocjena i mišljenje Instituta za medicinsko vještačenje zdravstvenog stanja izdato u periodu od 2007. godine pa nadalje (znači nalaz za ovu kategoriju donesen primjenom propisa o RVI - period do 2009. godine, Privremene liste invaliditeta - period do 2010. godine, Liste invaliditeta i Naputku za primjenu iste - period do 2021. godine, te Jedinstvenog pravilnika o kriterijima i postupku medicinskog vještačenja zdravstvenog stanja i jedinstvene Liste invaliditeta - period od 2021. godine pa nadalje) što je u skladu sa članom 5. Zakona o profesionalnoj rehabilitaciji, osposobljavanju i zapošljavanju osoba sa invaliditetom. Validan dokaz o invaliditetu može biti i rješenje prvostepenog ili drugostepenog upravnog organa, u kojem je naznačeno da je ocjenu invaliditeta i stepen oštećenja organizma utvrdio Institut za medicinsko vještačenje zdravstvenog stanja, koja je bila osnov za njegovo donošenje (original ili ovjerena fotokopija).
- Kategorija lica sa intelektualnim teškoćama - bilo koji akt (rješenje, potvrda, uvjerenje, nalaz) nadležnog organa iz kojeg je vidljivo da se radi o licu sa intelektualnim oštećenjem lakog ili umjerenog stepena ili nalaz, ocjena i mišljenje Instituta za medicinsko vještačenje koji se smatra važećim za kategoriju „neratnih invalida“, što je u skladu sa članom 15. stav 6. Zakona o profesionalnoj rehabilitaciji, osposobljavanju i zapošljavanju osoba sa invaliditetom (za ovu kategoriju ne mora biti naznačen obavezni procenat invaliditeta) (original ili ovjerena fotokopija).

- Za kategoriju ratnih vojnih invalida – uvažava se nalaz, ocjena i mišljenje Instituta za medicinsko vještačenje donesen nakon početka postupka revizije u julu 2010. godine (original ili ovjerena fotokopija) ukoliko je iz nalaza moguće utvrditi da se radi o „revizionom nalazu“, odnosno ukoliko isto nije moguće, odgovarajuća potvrda/uvjerenje nadležne službe za boračko - invalidsku zaštitu o utvrđenom procentu vojnog invaliditeta (original ne stariji od 15 dana od dana podnošenja zahtjeva). Kao validan dokaz o invaliditetu mogu poslužiti i rješenja upravnih organa o zadržavanju statusa RVI nakon okončanih revizionih ili sudskih postupaka provjere statusa (original ili ovjerena fotokopija).
- Za kategoriju civilnih žrtava rata - kao dokaz uvažava se kao i kod „neratnih invalida“ svaki nalaz, ocjena i mišljenje Instituta za medicinsko vještačenje zdravstvenog stanja izdat u periodu od 2007. godine pa nadalje. Kao validan dokaz mogu poslužiti i rješenja nadležnih upravnih organa, koja su donesena na osnovu nalaza Instituta u kojem je utvrđeno oštećenje organizma kao CŽR, a koji je bio osnov za donošenje rješenja (original ili ovjerena fotokopija).

## Član 2.

Ostale odredbe Pravilnika ostaju nepromijenjene.

## Član 3.

Pravilnik o izmjenama Pravilnika o ostvarivanju prava na isplatu novčanih nadoknada i subvencije broj: 01-02-2-1352/25 od 30.01.2025. godine stupa na snagu danom donošenja.

PREDSJEDNIK UPRAVNOG ODBORA

  
Dr. Senad Pešo

Broj: 01-02-2-9680/25  
Sarajevo, 21.08.2025. godine